



Džihad Akcije pravosudnih i bezbjednosnih institucija BiH

Šestorka spriječena da ode na ratište u Siriju

SARAJEVO - Pripadnici SI-PA juče su u nastavku akcije "Damask" pretresli objekte na tri lokacije na području Velike Kladuše i uhapsili tri osobe zbog postojanja osnova sumnje da su počinili krivično djelo "protivzakonito formiranje i pridruživanje stranim paravojnim ili parapolicijskim formacijama".

- Slobode su lišene osobe čiji su inicijali N. Š. (1988), A. M. (1960) i DŽ.V. (1989). Tokom pretresa pronađeno je i oduzeto šest ručnih bombi, jedna tromblonska mina, dvije protivpješadijske nagezne mine, 26 komada municije za puškomitraljez 7,62 mm, 30 komada puščane municije 7,9 mm, šest komada pištoljske municije 7,65 mm, mačeta, zastava IDIL-a, plastični šablon za oslikava-



nje obilježja IDIL-a, mobilni telefoni, SIM kartice i drugi predmeti koji mogu poslužiti kao dokaz u daljem postupku - saopšteno je iz SIPA.

Pored ovog hapšenja, iz Tužilaštva BiH saopšteno je da je na području Turske u pokušaju da ode u Siriju i pridruži se IDIL-u uhapšen državljani BiH Senad Koščac (1993) iz Velike Kladuše.

- U koordinisanoj akciji Tužilaštva BiH i partnerskih institucija, osumnjičeni je vraćen iz Turske i priveden u Tužilaštvo BiH. On je pod istragom da je počinio krivič-

no djelo protivzakonito formiranje i pridruživanje stranim paravojnim ili parapolicijskim formacijama iz Krivičnog zakona BiH - navodi se u saopštenju Tužilaštva BiH.

Pripadnici Granične policije BiH u subotu su u nastavku akcije "Damask", na graničnom prelazu Hum - Šćepan polje, uhapsili osobe inicijala S. K. (1993) i A. J. (1982) zbog postojanja osnova sumnje da su počinile krivično djelo protivzakonito formiranje i pridruživanje stranim paravojnim ili parapolicijskim formacijama u pokušaju: **D. M.**